


# Cymdeithas Gwasanaethau

## Gwirfoddol Sir Benfro

Eich cyngor gwirfoddol sirol lleol

### 4. Gwirfoddolwyr

#### 4.17 Yr awdurdod diogelu annibynnol



## Cynllun Gwirio a Gwahardd – y newyddion diweddaraf

Efallai y byddwch yn ymwybodol erbyn hyn fod cam cofrestru'r Awdurdod Diogelu Annibynnol o'r Cynllun Archwilio Cefndir a Gwahardd wedi'i atal er mwyn caniatáu i'r Llywodraeth ailfodelu'r cynllun gyda'r nod o gael un 'cymesur sy'n dangos synnwyr cyffredin' unwaith eto. **O ganlyniad, mae cam cofrestru'r Awdurdod Diogelu Annibynnol o'r cynllun ar stop, ac ni chafodd ei lansio ar 26 Gorffennaf 2010.**

Tra bydd y gofynion terfynol o ran unigolion a ddylai gofrestru gyda'r cynllun yn dibynnu ar ganlyniad yr adolygiad, mae'n bwysig cofio bod y gofynion a gyflwynwyd ym mis Hydref 2009 fel rhan o gam cyntaf y Cynllun Archwilio Cefndir a Gwahardd yn dal mewn grym.

Mae'r trefniadau canlynol yn bodoli eisoes dan y Cynllun, a byddant yn parhau:

- er mis Ionawr 2009, mae'r Awdurdod Diogelu Annibynnol wedi bod yn gwneud penderfyniadau annibynnol ynglŷn â gwahardd. Bydd yn parhau i gadw dwy restr sy'n cael eu diweddarau'n gyson, un ohonynt yn cynnwys y rheini sydd wedi'u gwahardd rhag gweithio gyda phlant, a'r llall yn cynnwys y rheini sydd wedi'u gwahardd rhag gweithio gydag oedolion agored i niwed;
- bydd y gofynion presennol yn ymwneud ag archwiliadau'r Swyddfa Cofnodion Troseddol yn parhau, a chaiff y rheini sy'n gymwys i gael yr archwiliadau hynny barhau i wneud cais amdanynt; ac
- mae'n dal yn ddyletswydd gyfreithiol ar gyflogwyr i gyfeirio gwybodaeth at yr Awdurdod Diogelu Annibynnol os ydynt wedi symud neu wedi diswyddo unigolyn oherwydd ei fod wedi peri niwed neu oherwydd bod perygl i'r unigolyn hwnnw niweidio aelod o grŵp agored i niwed.

## A ddylwn i gynnal archwiliad Datgelu'r Swyddfa Cofnodion Troseddol?

Gallwch gynnal archwiliad Datgelu'r Swyddfa Cofnodion Troseddol ar yr unigolion hynny sy'n gweithio neu sy'n gwirfoddoli mewn gweithgaredd rheoledig.

## Beth yw gweithgaredd rheoledig?

Dysgu, hyfforddi, cyfarwyddo, gofalu, goruchwyllo neu ddarparu cyngor ac arweiniad neu yrru cerbyd sy'n cael ei ddefnyddio'n benodol ar gyfer cludo plant neu unigolion

agored i niwed i'r man lle cynhelir y gweithgaredd yn aml unwaith yr **wythnos** neu fwy neu'n ddwys. Darparu unrhyw fath o ofal iechyd neu driniaeth lle y cynhelir y gweithgaredd unwaith y **mis** neu fwy neu'n ddwys.

Lle y cyflawnir y gwaith mewn eiddo gofal plant megis meithrinfa ddydd, neu gartref preswyl i blant, neu ysgol, neu ysbyty i blant, neu ganolfan i blant neu gartref gofal i oedolion, neu sefydliad Addysg Bellach sy'n bennaf, neu'n gyfan gwbl, ar gyfer pobl ifanc dan 18 oed lle y cynhelir y gweithgaredd yn aml unwaith yr **wythnos** neu fwy yn yr **un lleoliad** neu'n ddwys.

Swydd benodol, megis llywodraethwr ysgol, ymddiriedolwr elusen i blant neu ymddiriedolwr elusen i oedolion agored i niwed neu eraill sydd wedi'u rhestru yn Atodlen 4 y Ddeddf Diogelu Grwpiau Agored i Niwed.

\* Mae dwys yn golygu 4 diwrnod mewn 1 mis neu fwy, neu dros nos

## **Beth yw'r ddyletswydd i gyfeirio?**

Bydd yn ddyletswydd ar unrhyw sefydliad sy'n darparu gweithgaredd rheoledig i gyfeirio gwybodaeth sy'n berthnasol i'r cynllun lle mae pryder ynghylch niwed neu berygl o niwed i blant neu i oedolion agored i niwed. Mae gan dimau amddiffyn plant/oedolion awdurdodau lleol; cyrff proffesiynol a chyrff goruchwyllo sydd wedi'u henwi yn Neddf Diogelu Grwpiau Agored i Niwed 2006 hefyd ddyletswydd i gyfeirio.

## **A oes yna unrhyw beth arall y dylwn i wybod?**

Daeth dyletswyddau a mesurau diogelu allweddol i rym ym mis Hydref 2009:

1. Ni ddylech gyflogi mewn gweithgaredd rheoledig, neu ddefnyddio fel gwirfoddolwr, rhywun sydd wedi'i wahardd, a chithau'n gwybod hynny.
2. Os ydych wedi'ch gwahardd rhag cymryd rhan mewn gweithgareddau rheoledig â phlant neu oedolion agored i niwed, ni ddylech weithio, na cheisio gweithio, mewn gweithgaredd rheoledig gyda'r grŵp hwnnw.

## **Ac yn olaf**

Mae cwmpas y broses ailfodelu – a gydlynir gan y Swyddfa Gartref mewn partneriaeth â'r Adran Iechyd a'r Adran Addysg – wrthi'n cael ei gwblhau ar hyn o bryd.

Nid yw'n glir eto sut y bydd model newydd y Llywodraeth ar gyfer y Cynllun Archwilio Cefndir a Gwahardd yn effeithio ar gofrestru gyda'r Awdurdod Diogelu Annibynnol yn y dyfodol. Pan fydd rhagor o wybodaeth ar gael am hyn, byddwn yn ei phasio ymlaen atoch.

Mae'n bosibl y ceir achosion pan na fydd gweithgarwch wedi'i ddiffinio fel gweithgarwch rheoledig ond ei fod yn dal yn gymwys ar gyfer archwiliad gan y Swyddfa Cofnodion Troseddol.

## Gwybodaeth bellach

WCVA CRU

Ffôn: 0800 0197 391

Ffacs: 01745 357593

[cru@wcva.org.uk](mailto:cru@wcva.org.uk)

[www.wcva-cru.org.uk](http://www.wcva-cru.org.uk)

Awdurdod Diogelu Annibynnol

[www.isa-gov.org.uk](http://www.isa-gov.org.uk)

Swyddfa Cofnodion Troseddol [www.crb.gov.uk](http://www.crb.gov.uk)

### Ymwadiad

Mae'r wybodaeth a ddarperir yn y daflen hon ar gyfer cyfarwyddyd yn unig. Nid yw'n amnewid am gyngor proffesiynol ac ni allwn dderbyn unrhyw gyfrifoldeb am golled o ganlyniad i unrhyw berson weithredu neu wrthod gweithredu arno.

### Am rhagor o wybodaeth cysylltwch â

**Cymdeithas Gwasanaethau Gwirfoddol Sir Benfro**

36-38 Stryd Fawr, Hwlfordd, Sir Benfro, SA61 2DA

**Elusen Gofrestredig 1063289**

**Ffôn:** 01437 769422

[enquiries@pavs.org.uk](mailto:enquiries@pavs.org.uk)

**Ffacs:** 01437 769431

[www.pavs.org.uk](http://www.pavs.org.uk)



Ffôn: 0800 2888 329

[www.wcva.org.uk](http://www.wcva.org.uk)

Cynhyrwyd gan WCVA, Cyngorau Gwirfoddol Sirol a Chanolfannau Gwirfoddoli  
**Wedi ei ddiweddarau: 05/08/2011**